

中阿含經



二百六十一
夙十

49371



元祿九年丙子二月日重修

皇圖鞏固 帝階綴昌

佛日增輝 懋輪常轉

山城州天安寺法金剛院置

Large, faint watermark characters, possibly '正印' (Sei-in), are visible in the background of the page.

中阿含經卷第二十

東晉罽賓三藏瞿曇僧伽提婆 譯

長壽王品念身經第十 第二小土城誦

我聞如是一時佛遊鴛祇國中與大比丘眾
俱往詣阿和那捷左住處尔時世尊過夜平
旦著衣持鉢入阿和那而行乞食食訖中後
收舉衣鉢澡洗手足以左師壇著於肩土往
詣一林入彼林中至一樹下敷左師壇結跏
趺坐尔時眾多比丘於中食後集坐講堂共
論此事諸賢世尊甚奇甚特修習念身分別
廣布極知極觀極修習極護治善具善行在
一心中佛說念身有大果報得眼有目見第



一義。今時世尊在於燕坐以淨天耳出過於人聞諸比丘於中食後集坐講堂共論此事諸賢世尊甚奇甚特修習念身分別廣布極知極觀極修習極護治善具善行在一心中佛說念身有大果報得眼有目見第一義世尊聞已則於晡時從燕坐起往詣講堂比丘衆前敷座而坐。今時世尊告諸比丘汝等向共論何事耶。以何事故集坐講堂時諸比丘白曰世尊我等諸比丘於中食後集坐講堂共論此事諸賢世尊甚奇甚特修習念身分別廣布極知極觀極修習極護治善具善行在一心中佛說念身有大果報得眼有目見第

一義世尊我等向共論如此事以是事故集
坐講堂世尊復告諸比丘曰去何我說修習
念身分別廣布得大果報時諸比丘白世尊
曰世尊爲法本世尊爲法主法由世尊唯願
說之我等聞已得廣知義佛便告曰汝等諦
聽善思念之我當爲汝分別其義時諸比丘
受教而聽佛言云何比丘修習念身比丘者
行則知行住則知住坐則知坐卧則知卧眠
則知眠覺則知覺眠覺則知眠覺如是比丘
隨其身行便知上如真彼若如是在遠離獨
住心無放逸修行精勤斷心諸患而得定心
得定心已則知上如真是謂比丘修習念身

復次比丘修習念身比丘者正知出入善
觀分別屈申佞仰儀容庠序善著僧伽
梨及諸衣鉢行任坐卧眠覺語嘿皆正知
之如是比丘隨其身行便知上如真彼若
如是在遠離獨住心無放逸修行精勤斷
心諸患而得定心得定心已則知上如真
是謂比丘修習念身復次比丘修習念身
比丘者生惡不善念以善法念治斷滅止猶
木工師木工弟子彼持墨繩用拚於木則以
利斧斫治令直如是比丘生惡不善念以善
法念治斷滅止如是比丘隨其身行便知上
如真彼若如是在遠離獨住心無放逸修行

精勤斷心諸患而得定心得定心已則知上
如真是謂比丘修習念身復次比丘修習念
身比丘者齒齒相著舌逼上腭以心治心治
斷滅止猶二力士捉一羸人處處執捉自在
打鍛如是比丘齒齒相著舌逼上腭以心治
心治斷滅止如是比丘隨其身行便知上如
真彼若如是在遠離獨住心無放逸修行精
勤斷心諸患而得定心得定心已則知上如
真是謂比丘修習念身復次比丘修習念身
比丘者念入息即知念入息念出息即知念
出息入息長即知入息長出息長即知出息
長入息短即知入息短出息短即知出息短

學一切身息入學一切身息出學止身行息
入學止口行息出如是比丘隨其身行便知
上如真彼若如是在遠離獨任心無放逸修
行精勤斷心諸患而得定心得定心已則知
上如真是謂比丘修習念身

復次比丘修習念身比丘者離生喜樂漬身
潤澤... 潤澤普遍充滿於此身中離生喜樂無處不
遍猶工浴人器盛澡豆水和成搏水漬潤澤
普遍充滿無處不周如是比丘離生喜樂漬
身潤澤普遍充滿於此身中離生喜樂無處
不遍如是比丘隨其身行便知上如真彼若
如是在遠離獨任心無放逸修行精勤斷心

諸患而得定心得定心已則知上如真是謂
比丘修習念身復次比丘修習念身比丘者
定生喜樂漬身潤澤普遍充滿於此身中定
生喜樂無處不遍猶如山泉極淨澄清充滿
盈流四方水來無緣得入即彼泉底水自涌
出盈流於外漬山潤澤普遍充滿無處不周
如是比丘定生喜樂漬身潤澤普遍充滿於
此身中定生喜樂無處不遍如是比丘隨其
身行便知上如真彼若如是在遠離獨住心
無放逸修行精勤斷心諸患而得定心得定
心已則知上如真是謂比丘修習念身復次
比丘修習念身比丘者無喜生樂漬身潤澤

普遍充滿於此身中無喜生樂無處不遍猶
青蓮華紅赤白蓮水生水長在於水底根莖
華葉悉清潤澤普遍充滿無處不周如是比
丘無喜生樂漬身潤澤普遍充滿於此身中
無喜生樂無處不遍如是比丘隨其身行便
知上如真彼若如是在遠離獨住心無放逸

修行精勤斷心諸患而得定心得定心已則
知上如真是謂比丘修習念身復次比丘修
習念身比丘者於此身中以清淨心意解遍
滿成就遊於此身中以清淨心無處不遍猶
有一人被七肘衣或八肘衣從頭至足於此
身體無處不覆如是比丘於此身中以清淨

心意解遍滿成就遊於此身中以清淨心無
處不遍如是比丘隨其身行便知上如真彼
若如是在遠離獨住心無放逸修行精勤斷
心諸患而得定心得定心已則知上如真是
謂比丘修習念身復次比丘修習念身比丘
者念光明想善受善持善意所念如前後亦
然如後前亦然如晝夜亦然如夜晝亦然如
上下亦然如下上亦然如是不顛倒心無有
纏修光明心心終不爲闇之所覆如是比丘
隨其身行便知上如真彼若如是在遠離獨
住心無放逸修行精勤斷心諸患而得定心
得定心已則知上如真是謂比丘修習念身

復次比丘修習念身比丘者觀相之善持
善意所念猶如有人坐觀卧人卧觀坐人如
是比丘觀相善受善持善意所念如是比丘
隨其身行便知上如真彼若如是在遠離獨
住心無放逸修行精勤斷心諸患而得定心
得定心已則知上如真是謂比丘修習念身
復次比丘修習念身比丘者此身隨住隨其
好惡從頭至足觀見種種不淨充滿謂此身
中有髮毛爪齒塵網薄膚皮肉筋骨心腎肝
肺大腸小腸脾胃腸糞腦及腦根淚汗涕唾
膿血肪髓涎膽小便猶以器盛若干種子有
目之士悉見分明謂稻粟種太凌小麥火

麻豆蔓菁芥子如是比丘此身隨依其女
惡從頭至足觀見種種不淨充滿謂此身中
有髮毛爪齒塵網薄膚皮肉筋骨心腎肝肺
大腸小腸脾胃揣糞腦及腦根淚汗涕唾膿
血肪髓涎膽小便如是比丘隨其身行便知
上如真彼若如是在遠離獨住心無放逸修
行精勤斷心諸患而得定心得定心已則知
上如真是謂比丘修習念身復次比丘修習
念身比丘者觀身諸界我此身中有地界水
界火界風界空界識界猶如屠兒殺牛剥皮
布地於上分作六段如是比丘觀身諸界我
此身中地界水界火界風界空界識界如是

比丘隨其身行便知上如真彼若如是在遠
離獨住心無放逸修行精勤斷心諸患而得
定心得定心已則知上如真是謂比丘修習
念身復次比丘修習念身比丘者觀彼死尸
或一二日至六七日烏鴉所啄豺狗所食火燒
埋地悉腐爛壞見已自比今我此身亦復如
是俱有此法終不得離如是比丘隨其身行
便知上如真彼若如是在遠離獨住心無放
逸修行精勤斷心諸患而得定心得定心已
則知上如真是謂比丘修習念身復次比丘
修習念身比丘者如本見息道骸骨青色腐
爛食半骨鎖在地見已自比今我此身亦復

如是俱有此法終不得離如是比丘隨其身
行便知上如真彼若如是在遠離獨住心無
放逸修行精勤斷心諸患而得定心得定心
已則知上如真是謂比丘修習念身復次比
丘修習念身比丘者如本見息道離皮肉血
唯筋相連見已自比今我此身亦復如是俱

有此法終不得離如是比丘隨其身行便知
上如真彼若如是在遠離獨住心無放逸修
行精勤斷心諸患而得定心得定心已則知
上如真是謂比丘修習念身復次比丘修習
念身比丘者如本見息道骨節解散散在諸方
足骨膊骨髀骨寬骨脊骨肩骨頸骨髑髌骨

各在異處見已自比今我此身亦復如是俱
有此法終不得離如是比丘隨其身行便知
上如真彼若如是在遠離獨住心無放逸修
行精勤斷心諸患而得定心得定心已則知
上如真是謂比丘修習念身復次比丘修習
念身比丘者如本見息道骨白如螺青猶鴿
色赤若血塗腐壞碎沫見已自比今我此身
亦復如是俱有此法終不得離如是比丘隨
其身行便知上如真彼若如是在遠離獨住
心無放逸修行精勤斷心諸患而得定心得
定心已則知上如真是謂比丘修習念身若
有如是修習念身如是廣布者彼諸善法盡

在其中謂道品法也若彼有心意解遍滿猶
如大海彼諸小河盡在海中若有如是修習
念身如是廣布者彼諸善法盡在其中謂道
品法也若有沙門梵志不正立念身遊行少
心者彼爲魔波旬伺求其便必能得也所以
者何彼沙門梵志空無念身故猶如有瓶中
空無水正安著地若人持水來瀉瓶中於以
立意云何彼瓶如是當受水不比丘荅曰受
也世尊所以者何彼空無水正安著地是故
必受如是若有沙門梵志不正立念身遊行
少心者彼爲魔波旬伺求其便必能得也所
以者何彼沙門梵志空無念身故若有沙門

梵志正立念身遊行無量心者彼為魔波旬
伺求其便終不能得所以者何彼沙門梵志
不空有念身故猶如有瓶水滿其中正安著
地若人持水來寫瓶中於比丘意云何彼瓶
如是復受水不比丘答曰不也世尊所以者
何彼瓶水滿正安著地是故不受如是若有
沙門梵志有正立念身遊行無量心者彼為
魔波旬伺求其便終不能得所以者何彼沙
門梵志不空有念身故若有沙門梵志不正
立念身遊行少心者彼為魔波旬伺求其便
必能得也所以者何彼沙門梵志空無念身
故猶如力士以大重石擲淖泥中於比丘意

云何。罔爲受。不比丘。荅曰。受也。世尊所以者。何。泥淖石重。是故必受。如是。若有沙門。梵志。不正立。念身遊行。少心者。彼爲魔波旬。伺求其便。必能得也。所以者。何。彼沙門。梵志。空無念身故。若有沙門。梵志。正立。念身遊行。無量心者。彼爲魔波旬。伺求其便。終不能得。所以者。何。彼沙門。梵志。不空有念身故。猶如力士。以輕毛毬擲平戶扇。於比丘。意云。何。彼爲受。不比丘。荅曰。不也。世尊所以者。何。毛毬輕搏。戶扇平立。是故不受。如是。若有沙門。梵志。正立。念身遊行。無量心者。彼爲魔波旬。伺求其便。終不能得。所以者。何。彼沙門。梵志。不空有

念身故若有沙門梵志不正立念身遊行少
心者彼爲魔波旬伺求其便必能得也所以
者何彼沙門梵志空無念身故猶人求火以
槁木爲母以燥鑽鑽於比丘意云何彼人如
是爲得火不比丘荅曰得也世尊所以者何
彼以燥鑽鑽於槁木是故必得如是若有沙
門梵志不正立念身遊行少心者彼爲魔波
旬伺求其便必能得也所以者何彼沙門梵
志空無念身故若有沙門梵志正立念身遊
行無量心者彼爲魔波旬伺求其便終不能
得所以者何彼沙門梵志不空有念身故猶
人求火以濕木爲母以濕鑽鑽於比丘意云

何彼人如是爲得火不比丘荅曰不也世尊
所以者何彼以濕鑽鑽於濕木是故不得如
是若有沙門梵志正立念身遊行無量心者
彼爲魔波旬伺求其便終不能得所以者何
彼沙門梵志不空有念身故如是修習念身
如是廣布者當知有十八德云何十八比丘
者能忍飢渴寒熱蚊虻蠅蚩風日所逼惡聲
捶杖亦能忍之身遇諸疾極爲苦痛至命欲
絕諸不可樂皆能堪耐如是修習念身如是
廣布者是謂第一德復次比丘堪耐不樂若
生不樂心終不著如是修習念身如是廣布
者是謂第二德復次比丘堪耐恐怖若生恐

怖心終不著如是修習念身如是廣布者是
謂第三德復次比丘生三惡念欲念恚念害
念若生三惡念心終不著如是修習念身如
是廣布者是謂第四五六七德復次比丘離
欲離惡不善之法至得第四禪成就遊如是
修習念身如是廣布者是謂第八德復次比
丘三結已盡得須陀洹不墮惡法定趣正覺
極受七有天上人間七往來已而得苦際如
是修習念身如是廣布者是謂第九德復次
比丘三結已盡婬怒癡薄得一往來天上人
間一往來已而得苦際如是修習念身如是
廣布者是謂第十德復次比丘五下分結盡

生於波間便般涅槃得不退法不還此世如是修習念身如是廣布者是謂第十一德復次比丘若有息解脫離色得無色如其像定身作證成就遊而以慧觀知漏斷漏如是修習念身如是廣布者是謂第十二二十三二十四五十六十七德復次比丘如意足天耳他心智宿命智生死智諸漏已盡得無漏心解脫慧解脫於現法中自知自覺自作證成就遊生已盡梵行已立所作已辦不更受有知如真如是修習念身如是廣布者是謂第十八德如是修習念身如是廣布者當知有此十八功德佛說如是彼諸比丘聞佛所說歡喜奉行

念身經第十竟

中阿含長壽王品支離彌黎經第十一

第二小土城誦

我聞如是一時佛遊王舍城在竹林加蘭哆
園今時衆多比丘於中食後少有所爲集坐
講堂欲斷諍事謂論此法律此佛之教彼時
質多羅爲子比丘亦在衆中於是質多羅爲
子比丘衆多比丘論此法律此佛教時於其
中間競有所說不待諸比丘說法訖竟又不
以恭敬不以善觀問諸上尊長老比丘是時尊
者大拘締羅在彼衆中於是尊者大拘締羅
告質多羅爲子比丘曰賢者當知衆多比丘

說此法律此佛教時汝莫於中競有所說若
諸比丘所說竟已然後可說汝當以恭敬當
以善觀問諸上尊長老比丘莫不恭敬莫不
善觀問諸上尊長老比丘亦時質多羅象于
比丘諸親朋友悉在衆中於是質多羅魚子
比丘諸親朋友語尊者大拘絺羅曰賢者大
拘絺羅汝莫大責數質多羅魚子比丘所以
者何質多羅魚子比丘戒德多聞似如懈怠
然不貢高賢者大拘絺羅質多羅魚子比丘
諸比丘隨所爲時而能佐助於是尊者大拘
絺羅語質多羅魚子比丘諸親朋友曰諸賢
不知他心者不得妄說稱不稱所以者何或

有一人在世尊前時及諸上尊長老梵行可
慙可愧可愛可敬前彼便善守善護若於後
時離世尊前及離諸上尊長老梵行可慙可
愧可愛可敬前彼便數與白衣共會調笑貢
高種種談譁彼數與白衣共會調笑貢高種
種談譁已心便生欲彼心生欲已便身熱心
熱彼身心熱已便捨戒罷道諸賢猶若如牛
入他田中守田人捉或以繩繫或著欄中諸
賢若有作是說此牛不復入他田中如是彼
爲正說耶荅曰不也所以者何謂彼牛者爲
繩所繫或斷或解爲欄所遮或破或跳出復
入他田如前無異諸賢或有一人在世尊前

時及諸上尊長老梵行可慙可愧可愛可敬
前彼便善守善護若於後時離出尊前及離
諸梵行可慙可愧可愛可敬前彼便數與白
衣共會調笑貢高種種談譁彼數與白衣共
會調笑貢高種種談譁已心便生欲彼心生
欲已便身熱心熱彼身心熱已便捨戒羅道
諸賢是謂有一人復次諸賢或有一人逮得
初禪彼得初禪已便自安住不復更求未得
欲得不獲欲獲不作證欲作證彼於後時便
數與白衣共會調笑貢高種種談譁彼數與
白衣共會調笑貢高種種談譁已心便生欲
彼心生欲已便身熱心熱彼身心熱已便捨

戒罷道諸賢猶大雨時村間湖池水滿其中
彼若本時所見沙石草木甲虫魚鼈蝦蟆及
諸水性去時來時走時住時後水滿已盡不
復見諸賢若有作是說彼湖池中終不復見
沙石草木甲虫魚鼈蝦蟆及諸水性去時來
時走時住時如是彼爲正說耶荅曰不也所
以者何彼湖池水或象飲馬飲駱駝牛驢猪
鹿水牛飲或人取用風吹日炙彼若本時不
見沙石草木甲虫魚鼈蝦蟆及諸水性去時
來時走時住時後水減已還見如故如是賢
者或有一人逮得初禪彼得初禪已便自安
住不復更求未得欲得不獲欲獲不作證欲

作證彼於後時便數與白衣共會調笑貢高
種種談譁彼數與白衣共會調笑貢高種種
談譁已心便生欲彼心生欲已便身熱心熱
彼身心熱已便捨戒罷道諸賢是謂有一人
復次諸賢或有一人得第二禪彼得第二禪
已便自安住不復更求未得欲得不獲欲獲
不作證欲作證彼於後時便數與白衣共會
調笑貢高種種談譁彼數與白衣共會調笑
貢高種種談譁已心便生欲彼心生欲已便
身熱心熱彼身心熱已便捨戒罷道諸賢猶
大雨時四衢道中塵滅作泥諸賢若有作是
說此四衢道泥終不燥不復作塵如是彼爲

正說耶荅曰不也所以者何此四衢道或爲
行馬行駱駝牛驢猪鹿水牛及人民行風吹
日炙彼四衢道泥乾燥已還復作塵如是諸
賢或有一人得第二禪彼得第二禪已便自
安住不復更求未得欲得不獲欲獲不作證
欲作證彼於後時便數與白衣共會調笑貢
高種種談誨彼數與白衣共會調笑貢高種
種談誨已心便生欲彼心生欲已便身熱心
熱彼身心熱已便捨戒罷道諸賢是謂有一
人復次諸賢或有一人得第三禪彼得第三
禪已便自安住不復更求未得欲得不獲欲
獲不作證欲作證彼於後時便數與白衣共

會調笑貢高種種談譁彼數與白衣共會調
笑貢高種種談譁已心便生欲彼心生欲已
便身熱心熱彼身心熱已便捨戒罷道諸賢
猶山泉湖水澄清平岸定不動搖亦無波浪
諸賢若有作是說彼山泉湖水終不復動亦
無波浪如是彼爲正說耶荅曰不也所以者
何或於東方大風卒來吹彼湖水動涌波浪
如是南方西方北方大風卒來吹彼湖水動
涌波浪如是諸賢或有一人得第三禪彼得
第三禪已便自安住不復更求未得欲得不
獲欲獲不作證欲作證彼於後時便數與白
衣共會調笑貢高種種談譁彼數與白衣共

會調笑貢高種種談譁已心便生欲彼心生
欲已便身熱心熱彼身熱已便捨戒罷
道諸賢是謂有一人復次諸賢或有一人得
第四禪彼得第四禪已便自安住不復更求
未得欲得不獲欲獲不作證欲作證彼於後
時便數與白衣共會調笑貢高種種談譁彼
數與白衣共會調笑貢高種種談譁已心便
生欲彼心生欲已便身熱心熱彼身心熱已
便捨戒罷道諸賢猶如居士居士子食微妙
食充足飽滿已本欲食者則不復欲諸賢若
有作是說彼居士居士子終不復欲得食如
是彼爲正說耶荅曰不也所以者何彼居士

居士子過夜飢已彼若本所不用食者還復
欲得如是諸賢或有一人得第四禪彼得第
四禪已便自安住不復更求未得欲得不獲
欲獲不作證欲作證彼於後時便數與白衣
共會調笑貢高種種談諱彼數與白衣共會
調笑貢高種種談諱已心便生欲彼心生欲
已便身熱心熱彼身心熱已便捨戒罷道諸
賢是謂有一人復次諸賢或有一人得無相
心定彼得無相心定已便自安住不復更求
未得欲得不獲欲獲不作證欲作證彼於後
時便數與白衣共會調笑貢高種種談諱彼
數與白衣共會調笑貢高種種談諱已心便

生欲彼心生欲已便身熱心熱彼身心熱已
便捨戒罷道諸賢猶如一無事處聞支離弥
黎垂聲彼無事處或王或王大臣夜止宿彼
鳥聲馬聲車聲步聲螺聲鼓聲細腰鼓聲妓
鼓聲舞聲歌聲琴聲飲食聲彼若本聞支離
弥黎垂聲便不復聞諸賢若有作是說彼無
事處終不復聞支離弥黎垂聲如是彼爲正
說耶荅曰不也所以者何彼王及王大臣過
夜平旦各自還歸彼若聞鳥聲馬聲車聲步
聲螺聲鼓聲細腰鼓聲妓鼓聲舞聲歌聲琴
聲飲食聲故不聞支離弥黎垂聲彼旣去已
還聞如故如是諸賢得無相心定得無相心

定已便自安住不復更求未得欲得不獲欲
獲不作證欲作證彼於後時便數與白衣共
會調笑貢高種種談諱彼數與白衣共會調
笑貢高種種談諱已便心生欲心生欲已便
身熱心熱彼身心熱已便捨戒罷道諸賢是
謂有一人介時質多羅魚子比丘尋於其後
捨戒罷道質多羅魚子比丘諸親朋友聞質
多羅魚子比丘捨戒罷道已往詣尊者大拘
絺羅所到已白曰尊者大拘絺羅爲知質多
羅魚子比丘心爲因餘事知所以者何今質
多羅魚子比丘已捨戒罷道尊者大拘絺羅
告彼親朋友曰諸賢此事正應余所以者何

以不知如真不見如真所以者何因不知如
真不見如真故尊者大拘絺羅所說如是彼
諸比丘聞尊者大拘絺羅所說歡喜奉行
支離彌梨經第十一竟

中阿含長壽王品長老上尊睡眠經第十二

第二小土城誦

我聞如是一時佛遊婆耆瘦在鼉山怖林鹿
野園中尔時尊者大目犍連遊摩竭國在善
知識村中於是尊者大目犍連獨安靜處宴
坐思惟而便睡眠世尊者大目犍連
獨安靜處燕坐思惟而便睡眠世尊知已即
入如其像定以如其像定猶若力士屈申臂

項從婆耆瘦鵓山怖林鹿野園中忽沒不現
任摩竭國善知識村尊者大目捷連前於是
世尊從定而覺告曰大目捷連汝著睡眠大
目捷連汝著睡眠尊者大目捷連白世尊曰
唯然世尊佛復告曰大目捷連如所相著睡
眠汝莫修彼相亦莫廣布如是睡眠便可得
滅若汝睡眠故不滅者大目捷連當隨本所
聞法隨而受持廣布誦習如是睡眠便可得
滅若汝睡眠故不滅者大目捷連當隨本所
聞法隨而受持爲他廣說如是睡眠便可得
滅若汝睡眠不滅者大目捷連當隨本所聞
法隨而受持心念心思如是睡眠便可得滅

若汝睡眠故不滅者大目捷連當以兩手捫
摸於耳如是睡眠便可得滅若汝睡眠故不
滅者大目捷連當以冷水澡洗面目及灑身
體如是睡眠便可得滅若汝睡眠故不滅者
大目捷連當從室出外觀四方瞻視星宿如
是睡眠便可得滅若汝睡眠故不滅者大目
捷連當從室出而至屋頭露地經行守護諸
根心安在內於後前想如是睡眠便可得滅
若汝睡眠故不滅者大目捷連當捨經行道
至經行道頭敷屣師壇結跏趺坐如是睡眠
便可得滅若汝睡眠故不滅者大目捷連當
還入室四疊優多羅僧以敷牀上辟僧伽梨

作枕右脇而卧足足相累心作明想立正念
正智常欲起想大目捷連莫計牀樂眠卧安
快莫貪財利莫著名譽所以者何我說一切
法不可與會亦說與會大目捷連我說何法
不可與會大目捷連若道俗法共合會者我
說此法不可與會大目捷連若道俗法共合
會者便多有所說若多有所說者則便有誤
若有調者便心不息大目捷連若心不息者
便心離定大目捷連是故我說不可與會大
目捷連我說何法可與共會大目捷連彼無
事處我說此法可與共會山林樹下空安靜
處高巖石室寂無音聲遠離無惡無有人民

隨順宴坐大目捷連我說此法可與共會大
目捷連汝若入村行乞食者當以馱利馱供
養恭敬汝若於利供養恭敬心作馱已便入
村乞食大目捷連莫以高大意入村乞食所
以者何或諸長者家有如是事比丘來乞食
令長者不作意比丘便作是念誰壞我長者
家所以者何我入長者家長者不作意因是
生憂因憂生調因調生心不息因心不息心
便離定大目捷連汝說法時莫以諍說若諍
說者便多有所說因多說故則便生調因生
調故便心不息因心不息故便心離定大目
捷連汝說法時莫強說法如師子大目捷連

汝說法時下意說法捨力減力破壞於力當
以不強說法如師子大目捷連當學如是
尔時尊者大目捷連即從坐起偏袒著衣叉
手向佛白曰世尊云何比丘得至究竟究竟
白淨究竟梵行究竟梵行訖世尊告曰大目
捷連比丘若覺樂覺苦覺不苦不樂者彼此
覺觀無常觀興衰觀斷觀無欲觀滅觀捨彼此
覺觀無常觀興衰觀斷觀無欲觀滅觀捨已
不受此世因不受世已便不疲勞因不疲勞
已便般涅槃生已盡梵行已立所作已辦不
更受有知如真大目捷連如是比丘得至究
竟究竟白淨究竟梵行究竟梵行訖佛說如

是尊者大目捷連聞佛所說歡喜奉行
長老上尊睡眠經第十二竟

中阿含經卷第二十

風

拏補耕反以也
上腭下吾各反
打鍛下丁乱揣鍊
音團正漬潤友上在智髮毳下音爪之巧音夫

皮腎時忍肝肺下芳脾下氣府也涕唾

上音替下肪音方涎似連反膽

丁敢蔓菁上音精剥皮上必烏鴉下尺所

下音犴狗上音柴腐父音膊骨上時軟反

髀蒲米寬骨坤寬二音脊音跡頸居領

髑髏作二獨非也淖骨也混上音毛音毳下及毛九

